

Menguruskan wang yang dipegang sebagai amanah untuk seorang kanak-kanak

(Lembaran Maklumat 3)

24 Februari 2020

Bagaimana jika waris adalah kanak-kanak?

Apabila kami mengagihkan wang CPF, wang daripada harta pusaka atau daripada pampasan bagi kemalangan kenderaan, kadang kala orang yang kami perlu membayar merupakan seorang kanak-kanak.

Kami akan memegang wang ini sebagai amanah bagi kanak-kanak tersebut sehingga kanak-kanak itu layak untuk menerima wang mengikut umur yang disenaraikan di bawah.

| Jenis wang | Umur |
|---|------|
| Wang CPF yang telah dinamakan | 18 |
| Wang CPF yang tidak dinamakan | 21 |
| Wang harta pusaka | 21 |
| Wang daripada pampasan kemalangan kenderaan | 21 |
| Pampasan bagi kecederaan di tempat kerja (diri sendiri) | 18 |
| Sagu hati kematian daripada pemerintah | 18 |

Apa akan anda lakukan dengan wang yang dipegang sebagai amanah?

Kami akan melaburkan wang yang dipegang sebagai amanah di dalam instrumen kewangan yang selamat seperti deposit tetap dan bon. Kami akan membayar wang ini, bersama faedah yang diperolehi (ditolak yuran kami), kepada kanak-kanak tersebut apabila mereka mencapai umur dewasa (sama ada 18 atau 21).

Ibu bapa atau penjaga yang sah boleh melihat penyata akaun kanak-kanak tersebut di dalam talian di laman web kami: <https://eservices.mlaw.gov.sg/PTO/welcome.xhtml>.

Apakah yuran yang anda kenakan bagi melaburkan wang yang dipegang sebagai amanah?

Yuran yang kami kenakan ke atas jumlah faedah yang diperolehi daripada melaburkan wang yang dipegang sebagai amanah adalah seperti berikut.

| Jumlah Faedah yang Diperolehi | Yuran |
|-------------------------------|-------|
| Bagi \$1,000 pertama | 5.50% |
| Bagi \$1,000 seterusnya | 4.50% |
| Bagi \$1,000 seterusnya | 3.50% |
| Bagi jumlah melebihi \$3,000 | 2.25% |

Yuran ini adalah termasuk GST dan tidak boleh dikecualikan.

Bolehkah anda melepaskan wang yang dipegang sebagai amanah kerana saya kini merupakan ibu/bapa atau penjaga tunggal kanak-kanak tersebut dan mengalami masalah kewangan untuk menyara kanak-kanak ini?

Di bawah seksyen 68 dan 70 Piagam Wanita, adalah menjadi tanggungjawab ibu bapa atau penjaga kanak-kanak untuk menyara atau menyumbang kepada penyaraan mereka jika mereka tidak berupaya menjaga diri mereka sendiri.

Jika anda adalah ibu/bapa atau penjaga yang sah kepada seorang kanak-kanak dan anda mengalami masalah kewangan untuk menyara kanak-kanak tersebut, anda boleh memohon kepada kami untuk mendapatkan elaun penyaraan daripada wang kanak-kanak itu yang kami pegang.

Dalam memutuskan jumlah elaun penyaraan, kami akan mempertimbangkan yang berikut.

1. Pendapatan, hartanah dan sumber kewangan lain anda.
2. Keperluan dan tanggungjawab kewangan anda.
3. Keperluan kewangan dan umur kanak-kanak tersebut.
4. Cara bagaimana kanak-kanak tersebut sedang atau diharapkan untuk dididik atau dilatih.

Sebarang pengeluaran wang yang dipegang sebagai amanah untuk seorang kanak-kanak akan dihadkan kepada \$25,000 jika jumlah modal amanah tersebut melebihi \$25,000 tetapi kurang daripada atau sama dengan \$50,000. Sekiranya jumlah modal amanah melebihi \$50,000, pengeluaran daripada dana amanah tersebut akan dihadkan kepada 50% daripada jumlah modal amanah. Apabila had pengeluaran sudah dicapai, Pemegang Amanah Awam akan berhenti melakukan sebarang pembayaran penyaraan lanjut atau membuat pembayaran balik selanjutnya bagi perbelanjaan yang dibelanjakan untuk manfaat anak tersebut daripada amanah itu. Contoh-contoh di bawah menunjukkan bagaimana had ini berfungsi.

Contoh 1 – Jika jumlah modal amanah melebihi \$25,000 tetapi kurang daripada \$50,000

| | |
|------------------------------------|----------|
| Jumlah modal amanah | \$30,000 |
| Jumlah maksimum yang boleh dibayar | \$25,000 |

Contoh 2 – Jika jumlah modal amanah melebihi \$50,000 dan hanya 50% daripada jumlah amanah boleh dikeluarkan

| | |
|------------------------------------|----------|
| Jumlah modal amanah | \$80,000 |
| Jumlah maksimum yang boleh dibayar | \$40,000 |

Undang-undang memerlukan had ini dikenakan, bagi melindungi kepentingan anak anda dengan memastikan bahawa dia boleh menerima jumlah yang munasabah apabila mencapai umur dewasa dan memulakan kehidupannya sendiri.

Bagaimana cara untuk saya memohon elaun penyaraan kanak-kanak?

Anda perlu membuat permohonan di dalam talian bagi elaun penyaraan di <https://eservices.mlaw.gov.sg/PTO/welcome.xhtml> .

Anda juga perlu bersedia dengan SingPass anda untuk mengakses borang permohonan dalam talian kami. Anda boleh memohon SingPass di <https://www.singpass.gov.sg> jika anda belum mempunyainya. Jika anda tidak layak untuk SingPass, anda boleh memohon ID log masuk dan kata laluan melalui laman web kami di <https://pto.mlaw.gov.sg>

Dokumen apakah yang perlu saya hantarkan kepada anda?

Anda perlu menyediakan bukti bahawa anda tidak mampu untuk menyara kanak-kanak tersebut (contohnya, slip gaji bulanan anda) dan dokumen berkaitan keperluan kewangan kanak-kanak itu.

Untuk kami membuat pembayaran, anda juga perlu memberikan kami bukti akaun simpanan bersama yang dibuka bersama kanak-kanak itu. Kami boleh menerima salinan penyata bank dengan nombor akaun bank bersama yang tertera nama-nama pemegang akaun.

Bagaimanakah elaun penyaraan ini akan dibayar?

Elaun penyaraan akan dikreditkan ke dalam **akaun simpanan bersama**, yang dipegang oleh ibu bapa atau penjaga yang sah bersama kanak-kanak itu, melalui GIRO setiap tiga bulan pada bulan Januari, April, Julai dan Oktober.

Bolehkah saya mendapat pembayaran balik perbelanjaan tambahan yang lebih daripada elaun penyaraan?

Kami boleh membayar balik kepada anda, daripada wang kanak-kanak itu, untuk perbelanjaan pendidikan dan kebajikan kanak-kanak itu, jika ini tidak dibiayai oleh elaun penyaraan. Kami mempertimbangkan setiap permintaan berdasarkan kes demi kes.

Apa perlu saya lakukan untuk mendapat pembayaran balik bagi perbelanjaan tambahan?

Anda perlu menghantarkan dokumen kepada pegawai kes anda untuk menunjukkan bukti pembayaran.

Dokumen bukti pembayaran yang biasa adalah:

1. surat penerimaan daripada sekolah kanak-kanak tersebut yang menunjukkan jumlah yuran sekolah; dan
2. resit yang menunjukkan bukti pembayaran kepada sekolah.

Bagaimana jika saya tidak mampu untuk membayar perbelanjaan tambahan?

Jika kami bersetuju untuk membayar perbelanjaan tersebut daripada wang anak itu, kami akan membuat pembayaran terus ke sekolah.

Telefon:

Tel: 1800-2255-529

Faks: (65) 6224-2858

Alamat:

The URA Centre (East Wing)

45 Maxwell Road #07-11

Singapura 069118

Waktu Operasi E-helper:

Isnin - Jumaat: 8.30pg - 5.00ptg

Laman Web:

<https://pto.mlaw.gov.sg>